

Христос воскрес из мёртвых,/ смёртию смерть
поправ/ и сущим во гробех живёт даровав. (Трижды)

Воскресение Христово видевше,/ поклонимся
Святому Господу Иисусу,/ единому безгрешному,/
Кресту Твоему поклоняемся, Христэ,/ и святое
Воскресение Твое поём и славим./ Ты бо еси Бог
наш,/ разве Тебе иного не знаем,/ имя Твое
именуем./ Приидите вси вернии,/ поклонимся
Святому Христову Воскресению,/ се бо прииде
Крестом радость всему миру./ Всегда благословяще
Господа,/ поём Воскресение Его:/ распятие бо
претерпев,// смёртию смерть разруши. (Трижды)

Предварившия утро, яже о Марии,/ и обретшия
камень отвален от гроба,/ слышаху от Ангела: во
свете присносущнем Сущаго/ с мёртвыми что ищите,
яко человека?/ Видите гробныя пелены, тецйте и
миру проповедите,/ яко воста Господь, умертвивый
смерть,// яко есть Сын Бога, спасающего род
человеческий.

Аще и во гроб снишёл еси, Безсмертне,/ но адову
разрушил еси силу/ и воскресл еси, яко Победитель,
Христэ Боже,/ женам мирносицам вещавый:
радуйтесь!/ И Твоим апостолом мир даруяй,//
падшим подай воскресение.

Во гробе плоти, во аде же с душею яко Бог,/ в рай
же с разбойником и на Престоле был еси, Христэ, со
Отцем и Духом,// вся исполняяй, неописанный.

Слава Отцу и Сыну и Святому Духу:

Яко Живонóсец, яко ра́я красне́йший,/ во́истину и
черто́га всякаго ца́рскаго показáся светле́йший,
Христé, гроб Твой,// исто́чник на́шего воскресéния.

И ныне и присно и во веки веков. Аминь:

Вы́шняго освящéнное Божéственное селéние,
ра́дуйся./ Тобо́ю бо даде́ся ра́дость, Богоро́дице,
зову́щим:// благословéнна Ты в жена́х еси́,
Всенепо́рочная Влады́чице.

Гóсподи, помíлуй (40 раз).

Сла́ва Отцу́ и Сы́ну и Свято́му Ду́ху, и ны́не и прísно
и во ве́ки веко́в. Ами́нь.

Честне́йшую Херувíм/ и сла́внейшую без сравне́ния
Серафíм,/ без ислéния Бо́га Сло́ва ро́ждшую,//
су́щую Богоро́дицу, Тя велича́ем.

Христóс воскрéсе из мёртвых,/ смёртию смерть
попра́в// и су́щим во гробéх живóт дарова́в (Трижды).

Гóсподи Иисúсе Христé, Сы́не Бо́жий, моли́тв ра́ди
Пречи́стыя Твоея́ Ма́тере, преподо́бных и
богонóсных оте́ц на́ших и всех святы́х, помíлуй нас.
Ами́нь.